

ասեն թէ Ոչ. իրեք կամ երկու սսկի տվէք.
 իրբեւ երզնուն թէ չունիմք եւ ոչինչ, ապա
 մերկացուցանեն եւ մի մի որոնեն զամենայն
 տեղիս. իրբեւ ոչ գտանեն, ապա առաքեն եւ
 կոչեն զթարճիմանն եւ ասեն. **Ձինչ տայք՝** 80
 տուք, զի մի զրկեսցին ի լուսոյն: Եւ նա զնա-
 ցեալ ասէ Պարոնտէրին. եւ Պարոնտէրն յոր-
 դորէ զխոճայնին, աղաչէ եւ խնդրէ վասն սի-
 րուն Քրիստոսի, թէ Մի թողուք զնոսա ի դուրս
 մնալ, այլ ըստ կարողութեան ձերոյ տվէք որ 85
 նոքա այլ տեսնեն զլոյսն: Եւ որոց ծագէ սուրբ
 Հոգին՝ զայ եւ ասէ. Ես մինն բերեմ. միւսն
 ասէ. Ես երկու. եւ ոմն՝ իրեք կամ չորս,
 չինգ. եւ այսպէս զբազում մուծանեն ի Յա-
 րութիւնն. եւ թէ մնայ Ժ, ԺԵ հոգի, թարճի- 90
 մանն զնացեալ ասէ. Սոքա կոյրք են, այլքն
 կաղ, ձեռնատ, անկար, թող Աստուծոյ սի-
 րուն համար եւ խօնթքարին գլխուն համար
 լինի եւ արեւուն լինի. մէկ մէկ օրդ կտրէ զնո-
 սա: Նոքա խայիլ կու լինին. Լաւ է, ասեն, որ 95
 առնունք շատ թէ քիչ, քան թէ ոչինչ: Քանզի
 նալաթլամայ ալ կայ, թէ ոք լուսոյն ժամն չի
 թողու: Եւ ասին թէ ժամանակ մի այտպէս
 Փախիբ Փուխարայնի մնացել են ի դուրս. չէ
 թողած պէնկղար դրամով, թէ թամամ տվէք. 100
 եւ նոքա այնպէս մնացել են մահրում. եւ յոր-
 ժամ լոյսն ելել է՝ դուրսն է վազել նախ վասն
 աղքատաց եւ դռան երկու կողմն մարմարէ եր-

76 իրեք: — 81 ի չիք: — 85 կարողութեան:
 — 87 դա: — 89 ի չիք: